

СУВАГ ДАМЖУУЛАХ, ҮЙЛЧИЛГЭЭ ҮЗҮҮЛЭХ ГЭРЭЭ

20__ оны __ сарын __

№

Улаанбаатар хот

Энэхүү Суваг дамжуулах, үйлчилгээ үзүүлэх гэрээ (цаашид “Гэрээ” гэх)-г

Нэг талаас: Монгол Улсын Улаанбаатар хот, Сүхбаатар дүүрэг, 8-р хороо, Сүхбаатарын
(цаашид талбай-2, Сэнтрал тауэр, 8 давхар хаягт байрлах “Юнивишн” ХХК (Регистрийн
“Дамжуулагч” дугаар:)түүнийг төлөөлж Медиа менежментийн албаны захирал Г.Болорчимэг
гэх)

Нөгөө талаас Монгол Улсын Улаанбаатар хот, Сүхбаатар дүүрэг, хаягт байрлах
(цаашид “.....” ХХК ба түүнийг төлөөлж Гүйцэтгэх захирал
“Нийлүүлэгч” _____ нар
гэх

Монгол Улсын Иргэний хууль, Өргөн нэвтрүүлгийн тухай хуулийн холбогдох зүйл заалт, Сүлжээ хооронд харилцан холболт хийх, сүлжээнд холбогдох гэрээний ерөнхий нөхцөл, орлого хуваарилах журам, “Монголын Телевизүүдийн Холбоо” нийтийн эрх зүйн хуулийн этгээд болон “Юнивишн” ХХК-ийн хооронд байгуулсан “Өргөн нэвтрүүлгийн телевизийн хөтөлбөр дамжуулах гэрээ”-г тус тус удирдлага болгон доорх нөхцөлтэйгөөр харилцан тохиролцож, байгуулав.

НЭГ. НИЙТЛЭГ ЗҮЙЛ

- 1.1 Дамжуулагч нь өөрийн Ай Пи Ти Ви-ийн .. дугаарлалт дээр Нийлүүлэгчийн телевизийн суваг болох “.....” (цаашид “Суваг” гэх)-г байршуулан, Ай Пи Ти Ви платформоор, Нийлүүлэгч нь Суваг дамжуулалтын ашиглалт үйлчилгээний болон холболтын зардлыг төлөхтэй холбоотой харилцааг Гэрээгээр зохицуулна.
- 1.2 Гэрээ нь Талуудын төлөөлөл, төлөөлөн удирдах зөвлөл, гүйцэтгэх захирал, үүсгэн байгуулагчид, өмчлөгчид нь өөрчлөгдсөнөөс үл хамааран гэрээний хугацаанд хүчин төгөлдөр байна.
- 1.3 Гэрээ нь 202.оны .. сарын ..-ний өдрөөс 202. оны .. сарын ..-ний өдөр хүртэл хоёр жилийн хугацаатай байна.
- 1.4 Гэрээний хугацаа дуусгах үед Талуудын аль нэг нь Гэрээг цуцлах санал гаргаагүй бол Гэрээ дахин нэг (1) жилээр сунгагдсанд тооцно.
- 1.5 Энэхүү Гэрээний Хавсралтууд нь Гэрээний салшгүй нэгэн хэсэг болно.
 - 1.5.1 *Хавсралт 1. Техникийн нөхцөл*
 - 1.5.2 *Хавсралт 2. Харилцан мэдээлэл солилцох*
 - 1.5.3 *Хавсралт 3. Сувагт гарсан гэмтэл саатлыг тооцох тухай*
 - 1.5.4 *Хавсралт 4. Хөтөлбөр өгөх формат*
 - 1.5.5 *Хавсралт 5. Зардал*
 - 1.5.6 *Хавсралт 6. Тоног төхөөрөмжийн мэдээлэл*

ХОЁР. ДАМЖУУЛАГЧИЙН ЭРХ, ҮҮРЭГ

- 2.1 Дамжуулагч нь дараах эрхийг эдэлнэ:
 - 2.1.1 Гэрээний 1.1-г заасны дагуу Суваг дамжуулах үйлчилгээ үзүүлэх хугацаандаа Гэрээний Хавсралт 5-д заасан зардлыг төлөхийг Нийлүүлэгчээс шаардах;
 - 2.1.2 Нийлүүлэгчээс хамаарсан гэмтэл, саатлын улмаас эфирийг тасалдуулсан тохиолдолд Дамжуулагч нь энэ талаар хэрэглэгчдэд мэдээлэл хүргэх;

- 2.1.3 Дамжуулагч Сувгийг дамжуулахад шаардагдах Нийлүүлэгчийн гаргаж өгсөн бичиг баримт, мэдээлэл болон тоног төхөөрөмж нь шаардлага хангахгүй тохиолдолд доголдолыг арилгахыг шаардах;
- 2.1.4 Нийлүүлэгч нь Дамжуулагчийн албан ёсны эрхтэй аливаа контентийг зөвшөөрөлгүйгээр Сувгаар гаргахгүй байхыг болон гэрээнд заасан үүргээ зохих ёсоор биелүүлэхийг нийлүүлэгчээс шаардах;
- 2.1.5 Нийлүүлэгчийн буруутай үйл ажиллагааны улмаас эсхүл Гэрээнд заасан дамжуулалтын зардлыг төлөөгүйн улмаас Дамжуулагчид хохирол учирсан тохиолдолд хохирлоо нөхөн төлүүлэх;
- 2.1.6 Байгалийн гамшиг, олон нийтийг хамарсан эмх замбараагүй байдал, халдварт өвчин гарах, онц ноцтой гал түймэр дэгдэх, дайны болон онц байдал зарлах, зэрэг гэнэтийн болон давагдашгүй хүчин зүйл тохиолдсны улмаас эрх бүхий байгууллагын үүрэг болгосны дагуу Нийлүүлэгчийн ямар ч нэвтрүүлгийн дундуур тухайн байдлын талаар олон нийтэд мэдээлэл хийх;
- 2.1.7 Дамжуулагч нь Нийлүүлэгчийн сувгийг өөрийн ОТТ платформоор дамжуулах эрхтэй.
- 2.1.8 Хуульд заасан бусад эрх;
- 2.2 Дамжуулагч дараах үүргийг хүлээнэ:
 - 2.2.1 Дамжуулагч нь Сувгийг техникийн доголдолгүй дамжуулах үүднээс ажил үүргийг зохих мэргэжлийн ур чадвар бүхий хүмүүсээр хийж гүйцэтгүүлэх;
 - 2.2.2 Дамжуулагч нь өөрийн сүлжээний найдвартай байдлыг хангаж, гаднын халдлагаас хамгаалах, урьдчилан сэргийлэх арга хэмжээг авч ажиллах;
 - 2.2.3 Ай Пи Ти Ви-ээр Суваг дамжуулах үйлчилгээг гэрээний хугацаанд чанартай, тогтвортой явуулж, Сувгийг өөрийн багцуудад оруулан хэрэглэгчдэд дамжуулах;
 - 2.2.4 Нийлүүлэгчийн сувгаар оюуны өмчийн албан ёсны эрхтэй контентийг зөвшөөрөлгүй нэвтрүүлсэн нь тогтоогдсон тохиолдолд Дамжуулагч нь энэ тухай Нийлүүлэгчид мэдэгдэх;

ГУРАВ. НИЙЛҮҮЛЭГЧИЙН ЭРХ, ҮҮРЭГ

- 3.1 Нийлүүлэгч нь дараах эрхийг эдэлнэ:
 - 3.1.1 Дамжуулагчийн үзүүлж буй үйлчилгээ болон хийгдэж буй ажлууд нь чанарын шаардлага хангахгүй гэж үзвэл санал гаргах, шаардлага тавих;
 - 3.1.2 Гэрээгээр хүлээсэн үүргээ биелүүлэхийг эсхүл зохих ёсоор буюу шударгаар биелүүлэхийг нөгөө талаас шаардах;
 - 3.1.3 Техник, тоног төхөөрөмжид үзлэг шалгалт хийх зэрэг тохиолдолд урьдчилан мэдэгдсэний үндсэн дээр эфирийг зайлшгүй хаах;
 - 3.1.4 Гэрээнд заасан нөхцөлийн дагуу Гэрээнд нэмэлт өөрчлөлт оруулах, гэрээний хугацааг сунгах тухай санал гаргах;
 - 3.1.5 Дамжуулагчийн буруутай үйлдэл нь эрх бүхий байгууллагаас тогтоогдсон тохиолдолд уг үйлдлийн улмаас өөрт учирсан хохирлоо арилгуулахаар шаардах;
 - 3.1.6 Сүлжээний найдвартай, тасралтгүй ажиллагаа, аюулгүй байдлыг бүрэн хангахыг шаардах;
 - 3.1.7 Гэрээний явцад харилцан хяналт тавих, зөрчил дутагдлыг хугацаа тогтоон засахыг шаардах; болон
 - 3.1.8 Хуульд заасан бусад эрх;
- 3.2 Нийлүүлэгч нь дараах үүргийг хүлээнэ:
 - 3.2.1 Хөтөлбөрийн дуу дүрсний дохиог Дамжуулагчийн шаардсан техникийн нөхцөл Хавсралт 1-д заасны дагуу нийцүүлсэн байх, Хавсралт 1-т заасан “Зааглах цэг”-г өөрийн эфирийг шилэн кабелиар авчирсан байх;
 - 3.2.2 Дамжуулагчаас өгсөн техникийн нөхцөл, шаардлагыг хангах техник тоног төхөөрөмжтэй байх, тэдгээрийн ашиглалт үйлчилгээ хэвийн найдвартай ажиллагааг гэрээний хугацаанд тогтвортой хангаж ажиллах;

- 3.2.3 Гэрээгээр хүлээсэн үүргээ бүрэн биелүүлэхэд шаардагдах аливаа тусгай зөвшөөрөл, лицензийг зохих журмын дагуу, цаг тухайд нь эрх бүхий байгууллагаас авч, хүчин төгөлдөр байдлыг нь гэрээний хугацаанд хэвээр хадгалах;
- 3.2.4 Гэрээнд заасан зардлыг гэрээнд заасан хугацаа, хуваарийн дагуу Дамжуулагчид төлж байх;
- 3.2.5 Суваг нь долоо хоног бүрийн Баасан гарагийн 14:00 цагаас өмнө гэсэн мэйл хаягаас Дамжуулагчийн tv@unitel.mn и-мэйл хаягруу нэвтрүүлгийн хөтөлбөрийг Хавсралт 4-т заасан форматын дагуу илгээнэ.
- 3.2.6 Дамжуулагчийн албан ёсны эрхтэй аливаа контентийг урьдчилсан бичгэн зөвшөөрөлгүйгээр өөрийн сувгаар гаргахгүй байх;
- 3.2.7 Олон суваг дамжуулах тусгай зөвшөөрөлгүй аливаа аж ахуйн нэгжтэй холболт хийхгүй байх;
- 3.2.8 Дамжуулагчаас хамааралгүйгээр аливаа техникийн саатал гарсны улмаас суваг гарахгүй болсон тохиолдолд Нийлүүлэгч нь “МАНАЙ СУВГИЙН ТЕХНИКТЭЙ ХОЛБООТОЙ ЭФИРИЙН СААТАЛ ГАРСАН ТУЛ ХҮЛЦЭЛ ӨЧЬЕ” гэсэн утга, агуулгатай мэдэгдлийг өөрийн сувгийн дэлгэц дээр байршуулах;
- 3.2.9 Тоног төхөөрөмжтэй холбоотой өөрчлөлт, түр зогсолт, техникийн шинэчлэл хийгдэх, байршил солих гэх мэт зорилгоор эфирээ таслах буюу зайлшгүй зогсолт хийх тохиолдолд Дамжуулагч талд хуанлийн (7) хоногийн өмнө бичгээр болон и-мэйлээр, Харилцаа Холбооны Зохицуулах Хороонд (72) цагийн өмнө, хэрэглэгчид (48) цагийн өмнө урьдчилан мэдэгдэх;

ДӨРӨВ. ТӨЛБӨР ТООЦОО

- 4.1 Анх удаа холбогдож буй Нийлүүлэгч нь холболтын зардлыг Дамжуулагчид 100% төлөх үүрэгтэй бөгөөд Дамжуулагч нь холболтын нийт ажлыг гүйцэтгэнэ. Энэхүү заалт нь зөвхөн анх удаагаа холболт хийж байгаа Нийлүүлэгчид хамаарна.
- 4.2 Нийлүүлэгч байршлаа сольсон тохиолдолд шилэн кабель татах болон сигнал/дохио хүлээн авах тоног төхөөрөмжийн холбоотой гарах зардлыг Нийлүүлэгч бүрэн хариуцна.
- 4.3 Нийлүүлэгч нь өөрийн эфирээ Дамжуулагчийн Ай Пи Ти Ви-ээр SD болон HD форматаар дамжуулахад шаардлагатай тоног төхөөрөмжийг ашиглах бөгөөд дамжуулж буй форматаасаа үл хамааран адил өртөгтэй болно.
- 4.4 Дамжуулагч нь Нийлүүлэгчтэй харилцан тохиролцож дамжуулалтын зардал, анхны холболтын хэмжээг талууд Хавсралтаар тусгайлан тогтооно.
- 4.5 Нийлүүлэгч нь Хавсралт 5-д тусгасан зардлыг нэхэмжлэхийн дагуу Дамжуулагчид шилжүүлнэ.
- 4.6 Энэхүү гэрээний Хавсралт №2-т заасан талуудын санхүүгийн албаны холбогдох ажилтнууд нь төлбөр тоцооог улирал бүр нийлнэ.

ТАВ. АШИГЛАЛТ ҮЙЛЧИЛГЭЭ, ХАРИЛЦАН МЭДЭЭЛЭЛ СОЛИЛЦОХ

- 5.1. Дамжуулагч нь Нийлүүлэгчийн Сувгийг (24) цагийн турш Ай Пи Ти Ви-ээр тасралтгүй цацах үйлчилгээг үзүүлэх ба ингэхдээ Талууд харилцан тохиролцсоноос бусдаар уг хугацааг тасалдуулахгүй.
- 5.2. Дамжуулагч нь тоног төхөөрөмждөө үзлэг, үйлчилгээг хийх зорилгоор техникийн бүрэн зогсолтыг улиралд (1) удаа 00:00 цагаас 06:00 цагийн хооронд хийж байх бөгөөд энэ хугацаанд Сувгийг дамжуулахгүй.
- 5.3. Гэрээний Хавсралт 1-т заасан зааглах цэгт байрлуулсан Нийлүүлэгчийн тоног төхөөрөмжийн ашиглалт үйлчилгээг Дамжуулагч хариуцан ажиллах бөгөөд уг төхөөрөмжид техникийн горим алдагдсан буюу Дамжуулагчийн буруутай үйл ажиллагааны улмаас эвдэрч гэмтсэнээс бусад байдлаар гэмтэл гарсан тохиолдолд Дамжуулагч хариуцахгүй.
- 5.4. Дамжуулагч нь сар бүр нэвтрүүлгийн дуу дүрсний чанарын нэгдсэн үнэлгээг хийх ба Нийлүүлэгч нь өөрийн талаас хэмжилт хийх нөхцлийг бүрдүүлнэ. Нийлүүлэгчийн дуу дүрсний чанар, техникийн норм болон стандартад нийцэхгүй байгааг Харилцаа холбооны зохицуулах хорооноос

мэдэгдэж арга хэмжээ авахыг сануулсан тохиолдолд Дамжуулагч нь дамжуулалтыг зогсоох хүртэл арга хэмжээ авна.

- 5.5. Үйлчилгээг хэвийн, чанартай, тасралтгүй явуулахын тулд шаардлагатай мэдээллүүдийг Талууд харилцан солилцох бөгөөд солилцож буй мэдээллийн нууцлалыг хамгаална.

ЗУРГАА. ТЕХНИКИЙН НӨХЦӨЛ

- 6.1 Харилцан холболт хийх техникийн үзүүлэлтийн талаарх зохицуулалт:
- 6.1.1 Талуудын холболтын болон дамжуулах байгууламжийн төрөл марк, интерфэйсүүд, харилцан холбогдоход шаардагдах бусад техник төхөөрөмж, багтаамж, тоо ширхэг зэрэг нь Хавсралт 1-ийн дагуу байна. Хавсралт 1-д орсон нэмэлт өөрчлөлтүүдийг тухай бүр бичгээр тусгаж байна.
 - 6.1.2 Сүлжээ хоорондын дамжуулах видео сигнал нь стандартыг хангасан байх ба энэ нь хэрэглэгчид рүү дуу дүрсний чанар хангасан өргөн нэвтрүүлгийн хөтөлбөрийг дамжуулах нөхцөлийг бүрдүүлнэ.
 - 6.1.3 Талуудын харилцан холболтын шугам нь өндөр хурдны оптик сүлжээ байна.
- 6.2 Зааглах цэгийн талаарх зохицуулалт:
- 6.2.1 Сүлжээний зааглах цэгүүдийн байршил Хавсралт 1-т заасны дагуу байна.
 - 6.2.2 Зааглах цэг дэх техник, тоног төхөөрөмжийн ашиглалт, үйлчилгээг гэрээнд заасны дагуу талууд хариуцна.
 - 6.2.3 Сүлжээ хоорондын харилцан холболтын зураглал нь Хавсралт 1-т заасны дагуу байна.
 - 6.2.4 Талууд зааглах цэгээс (2) тийш шугамыг таслан шалгалт, хэмжилт хийх техникийн боломж, нөхцөлийг хангасан байна.
- 6.3 Сүлжээний ачааллын талаарх зохицуулалт,
- 6.3.1 Талууд өөрсдийн харилцан холболтын техникүүд (хувиргах, дамжуулах төхөөрөмжүүд болон сигнал дамжуулах бүх төрлийн кабелиуд)-ийн найдвартай ажиллагаа, бүрэн бүтэн байдлыг ханган ажиллана.
 - 6.3.2 Нийлүүлэгчээс эфирин гаралтын дуу дүрсний форматаа өөрчлөх (Техникийн өөрчлөлт болон шинэчлэлт) тохиолдолд ажлын 10-15 хоногийн өмнө Дамжуулагчид урьдчилан мэдэгдэн харилцан тест хийж, талууд сувгийн үйлчилгээний хэвийн ажиллагааг хангах тал дээр хамтран ажиллана.
 - 6.3.3 Харилцан холболтын гэрээний хугацаанд хийгдэх техник тоног төхөөрөмжийн өргөтгөл, өөрчлөлт нь харилцан холбогдогч Талуудын үйлчилгээнд нөлөөлөхүйц байвал энэ талаарх мэдээллийг (72) цагаас доошгүй хугацааны өмнө нөгөө талдаа мэдэгдэх ба асуудлыг Талууд хамтран шийдвэрлэнэ.

ДОЛОО. ОЮУНЫ ӨМЧИЙН ХАРИЛЦАА

- 7.1 Дамжуулагч нь Нийлүүлэгчийн албан ёсны логог дамжуулахдаа түүний хэлбэр дүрс, өнгө зэрэгт ямар нэг байдлаар өөрчлөлт оруулалгүйгээр дамжуулна.



- 7.2 Нийлүүлэгч нь өөрийн албан ёсны логог Дамжуулагчийн dungaamaa.t@unitel.mn хаягаар цахим хэлбэрээр өгнө.
- 7.3 Өргөн нэвтрүүлгийн телевизийн хөтөлбөр бэлтгэх, хүргэх үйл ажиллагаанд оюуны өмчийг дээдлэх, оюуны өмчийн зөрчилтэй Талууд хамтран тэмцэнэ.

- 7.4 Нийлүүлэгчийн албан ёсны логог Дамжуулагч нь өөрийн бүтээгдэхүүн үйлчилгээний сурталчилгаанд ашиглах эрхтэй бөгөөд ингэхдээ түүний хэлбэр дүрс, өнгө зэрэгт ямар нэг байдлаар өөрчлөлт оруулахгүйгээр ашиглана.
- 7.5 Дамжуулагчийн дамжуулж буй контентийг кабелийн телевиз болон бусад байдлаар дахин дамжуулж буй эсэхийг хянах зорилгоор Нийлүүлэгчийн дамжуулж буй нэвтрүүлэг дээр Дамжуулагч өөрийн логог тунгалаг байдлаар болон таних тэмдэг, тэмдэгтүүдийг байрлуулах бөгөөд ингэхдээ Нийлүүлэгчийн логог дарахгүй байна.

НАЙМ . ТАЛУУДЫН ХАРИЛЦАА ИЛ ТОД, ШУДАРГА БАЙХ

- 8.1 Нийлүүлэгч өөртөө давуу тал олж авах зорилгоор Дамжуулагчийн ажилчид, эрх бүхий этгээдэд мөнгө эсвэл мөнгөн бус хэлбэрээр эд зүйл өгөх буюу амлах, хэлэлцээр хийх, гэрээ байгуулах шийдвэр гаргах явцад шударга бус замаар нөлөөлөх аливаа үйлдэл гаргасан бол Дамжуулагч нь гэрээг нэг талын санаачилгаар цуцалж, учирсан хохирол зардлаа шаардаж, буцаах бөгөөд Нийлүүлэгчид үүсэх үр дагаврын талаар ямар нэгэн хариуцлага хүлээхгүй.
- 8.2 Нийлүүлэгч, түүний эцсийн өмчлөгч, үүсгэн байгуулагч, хувьцаа эзэмшигч, удирдах зөвлөл, болон гүйцэтгэх удирдлага нь авлига хээл хахууль, мөнгө угаах, терроризмыг санхүүжүүлэх төрлийн гэмт хэрэгт холбогдоогүй бөгөөд Авлигын эсрэг хууль, мөнгө угаах болон терроризмыг санхүүжүүлэхтэй тэмцэх тухай хууль болон холбогдох бусад хуулийг дагаж мөрддөг, зөрчөөгүй болохоо үүгээр баталгаажуулж байна.
- 8.3 Нийлүүлэгч нь, Дамжуулагчийн ажилтан болон албан тушаалтантай гэр бүл бусад байдлаар ашиг сонирхлын зөрчилгүй, ийнхүү сонирхлын зөрчилтэй тохиолдолд энэ талаар урьдчилан мэдэгдсэн болохоо үүгээр баталгаажуулж байна.
- 8.4 Нийлүүлэгч нь Дамжуулагчийн нэр хүнд, үнэт зүйл, Ёс зүйн дүрэмд үл нийцэх агуулгатай мэдээлэл цацахгүй, харшлах аливаа үйлдэл гаргахгүй, энэхүү гэрээний дагуу зохион байгуулж буй аливаа Хамтын ажиллагааг улс төрийн болон гэрээнээс гадуур зорилгоор ашиглахгүй болохоо үүгээр баталгаажуулж байна.
- 8.5 Энэхүү гэрээний дагуу Нийлүүлэгчээс Дамжуулагчид гарган өгсөн бүх зөвшөөрлийн бичиг болон мэдээлэл, баталгаа нь бүгд үнэн зөв бөгөөд ямар нэгэн чухал фактын талаар худал мэдэгдээгүй, Гэрээ үнэн зөв болоход зайлшгүй шаардлагатай аливаа чухал фактыг орхигдуулаагүй болно.
- 8.6 Нийлүүлэгч нь энэхүү Гэрээгээр тохирсон нөхцөлүүдийг биелүүлэх нь Нийлүүлэгчийн дүрэм, журам болон ижил төрлийн бусад баримт бичгийн нөхцөл болзолтой зөрчилдөхгүй бөгөөд эдгээр нөхцөл, болзлын дагуу аливаа хувь хүн буюу бусад байгууллага, хуулийн этгээдээс зөвшөөрөл авах шаардлагагүй. Одоо байгаа болон ирээдүйд гарч болох аливаа шүүх, захиргаа, арбитрын шийдвэрийг биелүүлж байгаа Нийлүүлэгчийн үүрэг нь энэхүү гэрээгээр хүлээсэн үүргийг биелүүлэхэд ямар ч хэлбэрээр саад болохгүй. Нийлүүлэгч нь энэхүү Гэрээгээр хүлээсэн эрх, үүргээ ямар нэгэн хэлбэрээр гуравдагч этгээдэд шилжүүлэхгүй болохоо үүгээр баталж байна.

ЕС. ХАРИУЦЛАГА, ХАРИУЦЛАГААС ЧӨЛӨӨЛӨГДӨХ ҮНДЭСЛЭЛ

- 9.1 Нийлүүлэгч нь энэхүү гэрээнд заасан үүргээ биелүүлээгүй эсхүл зохих ёсоор биелүүлээгүй бол хэтэрсэн хоног тутамд Хавсралт №5-д заасан төлбөрийн дүнгийн 0,5 хувиар тооцож, Дамжуулагчид алданги төлнө.
- 9.2 Нийлүүлэгч нь гэрээнд заасан үүргээ (2) ба түүнээс дээш удаа биелүүлээгүй тохиолдолд Хавсралт №5-д заасан үнийн дүнгийн 10% тай тэнцэх хэмжээний торгуулийг төлөх үүрэгтэй.
- 9.3 Талуудын аль нэг нь Гэрээгээр хүлээсэн үүргээ биелүүлээгүйн улмаас нөгөө талд хохирол учирсан бол хохирсон тал өөрийн хохирлын хэмжээг нотлох үүрэгтэй бөгөөд буруутай тал нь нөгөө талд учирсан хохирлыг Гэрээнд болон хууль тогтоомжид заасны дагуу нөхөн төлнө.
- 9.4 Нийлүүлэгч нь Дамжуулагчийн тоног төхөөрөмжөөр дамжин хэрэглэгчдэд очиж байгаа Сувгийн чанар, стандартад хяналт тавих, зохиогчийн эрхээр хамгаалагдсан телевизийн нэвтрүүлэг, дуу, дүрс, кино зэргийг зохих зөвшөөрөлгүйгээр нэвтрүүлсэн, эсхүл Зар сурталчилгааны болон бусад хууль тогтоомжийн зөрчилтэй нэвтрүүлэг контент цацсан зэрэгтэй холбоотой хариуцлагыг бүрэн хүлээнэ.

- 9.5 Байгалийн гамшиг, олон нийтийг хамарсан эмх замбараагүй байдал, халдварт өвчин гарах, онц ноцтой гал түймэр дэгдэх, дайны болон онц байдал зарлах, зэрэг гэнэтийн болон давагдашгүй хүчин зүйлийн улмаас Гэрээгээр хүлээсэн үүргээ бүгдийг, эсхүл аль нэгийг нь биелүүлээгүй бол ийнхүү биелүүлээгүйн улмаас гарах үр дагаварт талууд хариуцлага хүлээхгүй.
- 9.6 Дамжуулагч нь Сувгаар цацагдаж буй мэдээ, мэдээлэл болон контент-д ямарваа нэгэн хариуцлага хүлээхгүй бөгөөд Нийлүүлэгч нь өөрийн сувгаар цацагдаж буй аливаа нэвтрүүлэг, хөтөлбөрийн агуулгатай холбоотой маргаан, эрсдэлээс Дамжуулагчийг чөлөөлж, Дамжуулагчид аливаа нэр хүндийн эрсдэл үүсгэхгүй байх бүхий л нөхцөлийг хангаж ажиллана.

АРАВ. ГЭРЭЭ ДУУСГАВАР БОЛОХ, ЦУЦЛАХ

- 10.1 Гэрээнд заасан үүргийг Талууд зохих ёсоор гүйцэтгэсэн бөгөөд гэрээний хугацаа дуусгавар болсон, эсхүл хуулийн этгээд үйл ажиллагаа явуулах боломжгүй болсон, эрх залгамжлалгүйгээр татан буугдсан, дампуурснаа албан ёсоор зарласан, улсын бүртгэлээс хасагдсан зэрэг тохиолдолд гэрээ дуусгавар болно.
- 10.2 Талуудын аль нэг нь гэрээгээр хүлээсэн үүргээ зохих ёсоор биелүүлээгүй эсвэл удаа дараа (2 ба түүнээс дээш удааг ойлгоно) биелүүлээгүй тохиолдолд нөгөө талдаа гэрээгээр хүлээсэн үүргээ биелүүлэхийг шаардсан албан бичиг хүргүүлэх бөгөөд хүргүүлснээс хойш ажлын (5) өдрийн дотор тухайн гэрээний үүргээ биелүүлээгүй тохиолдолд нөгөө талдаа гэрээг цуцлах тухай санал гаргаж болох ба уг саналыг бичгээр гаргана.
- 10.3 Гэрээ цуцлах санал гаргаснаас ажлын (5) өдрийн дотор нөгөө талаас ямар нэг хариу өгөөгүй тохиолдолд гэрээ цуцлагдсанд тооцно.
- 10.4 Дамжуулагчийн санаачлагаар гэрээг цуцлах: Дор дурдсан тохиолдлуудад энэхүү гэрээ Дамжуулагчийн санаачилгаар нэн даруй цуцлагдах ба Дамжуулагч нь өөрийн санаачилгаар гэрээг цуцалсантай холбогдуулан Нийлүүлэгчид орох байсан орлого, ашиг, аливаа хохирол, зардал зэргийг нөхөн төлөх үүрэг хүлээхгүй:
- 10.4.1 Нийлүүлэгч нь өөртөө болон хамааралтай этгээдэд давуу тал олж авах зорилгоор Дамжуулагчийн ажилчид, эрх бүхий этгээдэд мөнгө эсвэл мөнгөн бус хэлбэрээр эд зүйл өгөх буюу амлах, хэлэлцээр хийх, гэрээ байгуулах шийдвэр гаргах явцад шударга бус замаар нөлөөлөх үйлдэл гаргасан бол Дамжуулагчийн ёс зүйн дүрэм, худалдан авалтын бодлого, журмыг зөрчсөн гэж үзэж, энэхүү гэрээг нэг талын санаачилгаар цуцалж, учирсан хохирол, зардлыг шаардах,
- 10.4.2 Нийлүүлэгчийн энэхүү гэрээний дагуу гаргасан баталгаа хуурамч, худал мэдээлэл агуулсан болох нь илэрхий болсон;
- 10.5 Талууд харилцан хэлэлцэн тохиролцсоны үндсэн дээр гэрээг цуцалж болно.
- 10.6 Энэхүү гэрээг цуцалсантай холбоотойгоор талуудын өглөг авлагын төлбөр тооцоог буруутай тал нь төлж барагдуулна.
- 10.7 Нийлүүлэгч нь энэхүү гэрээгээр хүлээсэн үүргээ зохих ёсоор биелүүлэхгүй эсхүл удаа дараа (2 ба түүнээс дээш удааг ойлгоно) биелүүлээгүй тохиолдолд Дамжуулагч нь үүргийн гүйцэтгэлийг хангах дор дурдсан арга хэмжээг авна. Үүнд:
- 10.7.1 гэрээгээр хүлээсэн үүргээ биелүүлэх талаар мэдэгдэл хүргүүлэх;
- 10.7.2 энэхүү гэрээний 8.1-т заасан алданги тооцох;
- 10.7.3 Нийлүүлэгч нь төлбөрөө гэрээнд заасан хугацаанаас (3) сараар хэтрүүлсэн тохиолдолд 9.8.3-т заасны дагуу хязгаарлалт, салгалтыг хийх;
- 10.8 Энэхүү гэрээний 9.6-д заасан арга хэмжээг хүлээсэн тал нь гэрээгээр хүлээсэн үүргээ биелүүлэхгүй байх үндэслэл болохгүй.
- 10.9 Талууд дор дурдсан болон хууль тогтоомжид зааснаас бусад тохиолдолд харилцан холболтыг салгах, хязгаарлалт хийхгүй. Үүнд:
- 10.9.1 Давагдашгүй хүчин зүйлс;
- 10.9.2 Энэхүү гэрээний 9.1-д заасан тохиолдолд;
- 10.9.3 Нийлүүлэгч нь харилцан холболтын төлбөрөө төлөөгүй гэрээнд тохиролцсон боломжит хугацаанаас (3) сараар хэтрүүлсэн;

- 10.9.4 Техникийн гэмтэл саатал гарсан, эсвэл засвар, үзлэг шалгалт хийхээр харилцан тохиролцсон;
- 10.9.5 Нийлүүлэгч нь хуанлийн (7) хоногоос дээш хугацаанд эфирээ өгөөгүй тохиолдолд;
- 10.10 Энэхүү гэрээний 9.8.5-д заасан тохиолдолд Дамжуулагч нь тухайн сувгийн дугаарлалтыг хадгалах үүрэг хүлээхгүй.

АРВАН НЭГ. МАРГААН ШИЙДВЭРЛЭХ

- 11.1 Энэхүү гэрээний нөхцөл, зааглах цэг, төлбөр, энэхүү журам болон гэрээг зөрчсөн, өрсөлдөөний эсрэг үйлдэл гаргасан болон гэрээний үүргийн биелэлттэй холбоотой маргааныг талууд эвийн журмаар зөвшилцлийн үндсэн дээр шийдвэрлэхийг зорих бөгөөд шийдвэрлэж чадахгүй тохиолдолд Харилцаа холбооны тухай хуулийн 31 дүгээр зүйлийн 31.2 дахь заалтын дагуу Харилцаа Холбооны Зохицуулах Хороонд хандаж шийдвэрлүүлнэ.
- 11.2 Энэхүү Гэрээний 10.1 дүгээр зүйлд заасны дагуу Харилцаа Холбооны Зохицуулах Хороонд хандаж шийдвэрлүүлсний дараа талууд харилцан тохиролцож чадаагүй тохиолдолд маргаанаа Монгол Улсын шүүхээр шийдвэрлүүлнэ.
- 11.3 Гэрээний талууд маргааны талаар нөгөө талд бичгээр хандаж мэдэгдэл гаргана.
- 11.4 Гэрээтэй холбогдсон аливаа маргаантай асуудлыг хянан шийдвэрлэхэд Монгол Улсын хууль тогтоомжийг хэрэглэнэ.

АРВАН ХОЁР. БУСАД ЗҮЙЛ

- 12.1 Гэрээг хоёр хувь үйлдэж баталгаажуулах бөгөөд хувиуд хууль зүйн адил хүчинтэй байна.
- 12.2 Гэрээний хэрэгжилттэй уялдуулан талууд харилцан тохиролцсоны үндсэн дээр энэхүү гэрээнд бичгээр нэмэлт, өөрчлөлт оруулж болох бөгөөд энэ тохиолдолд түүнд гарын үсэг зурж, тамга тэмдэг дарж баталгаажуулна.
- 12.3 Гэрээний Хавсралт болон нэмэлтээр талуудын тохиролцсоны дагуу бусад зүйлийг нарийвчлан тодорхойлж, бусад нөхцөлийг тусгаж өгнө.
- 12.4 Энэхүү гэрээнд талууд гарын үсэг зурсан өдрөөс хойш ажлын (10) өдрийн дотор уг гэрээ болон түүний хавсралт, холбогдох баримт бичгийн хамт Харилцаа Холбооны Зохицуулах Хороонд бүртгүүлэх ба уг гэрээнд орсон нэмэлт өөрчлөлт бүрийг тухай бүр бүртгүүлнэ.
- 12.5 Талууд шүүх болон бусад эрх бүхий байгууллагаас шаардсанаас бусад тохиолдолд энэхүү гэрээ болон түүнтэй холбогдох бичиг баримтын нууцлалыг чандлан хадгална.
- 12.6 Энэхүү гэрээг талууд (3) хувь үйлдэх ба Харилцаа Холбооны Зохицуулах хороонд нэг хувийг хадгалуулж, гэрээний тал тус бүр нэг хувийг хадгална.

АРВАН ГУРАВ. ТАЛУУДЫН АЛБАН ЁСНЫ ХАРИЛЦАХ ХАЯГ

Дамжуулагч:

“ЮНИВИШН” ХХК
Улаанбаатар хот, Сүхбаатар дүүрэг 8-р
хороо, Сэнтрал Тауэр, 8 давхар
Утас: 77778080

Хаяглах этгээд:
Цахим шуудан:

Нийлүүлэгч:

“.....” ХХК
.....
Утас:

Хаяглах этгээд:
Цахим шуудан:

*Юнившин ХХК-аас баталсан Суваг дамжуулах,
үйлчилгээ үзүүлэх гэрээний Загвар*

ГЭРЭЭ БАЙГУУЛСАН:

Дамжуулагчийг төлөөлж:
“ЮНИВИШН”ХХК-ИЙН
МЕДИА, МЕНЕЖМЕНТИЙН
АЛБАНЫ ЗАХИРАЛ

Нийлүүлэгчийг төлөөлж:
“.....” ХХК-ИЙН
ГҮЙЦЭТГЭХ ЗАХИРАЛ

Г.БОЛОРЧИМЭГ

МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний
ХАВСРАЛТ 1

НЭГ. ТЕХНИКИЙН НӨХЦӨЛ

1. Нийлүүлэгч нь дор дурдсан шаардлагын дагуу Сувгийг харилцан холболтын ЗААГЛАХ ЦЭГ буюу Юнител ХХК-ийн Дата төвд хүргэнэ.
2. Нийлүүлэгчийн нэвтрүүлгийн чанар нь MNS-5592-2 стандартын тоон телевизийн үндсэн үзүүлэлтүүдийн дагуу дараах хүснэгтэд заасан шаардлагыг хангасан байна.

а. ИНТЕРФЕЙС

Дүрсний оролт	SMPTE 259M (SD-SDI) /Хэрвээ HD форматаар дамжуулах бол SMPTE 292M (HD-SDI)/
Дууны оролт	Embedded audio (Дүрсний сигналд нь суулгасан аудио сигнал)

б. ДҮРСНИЙ ҮЗҮҮЛЭЛТ

Дүрсний харьцаа	4:3 /Хэрвээ HD форматаар дамжуулах бол 16:9/
SD нягтрал болон фреймрейт	576i@25
HD нягтрал болон фреймрейт	1080i@25

с. ДУУНЫ ҮЗҮҮЛЭЛТ

Дууны кодлол	Стерео хос
Дууны түвшин	-18dbFs (0db) EBU R128 мөрдөх

3. Дамжуулагч нь Нийлүүлэгчийн Сувгийг дараах стандартын дагуу сансрын хиймэл дагуулаар дамжуулж хэрэглэгчдэд хүргэнэ.

а. ДҮРСНИЙ ҮЗҮҮЛЭЛТ


Дүрсний шахалт болон битрейт H.264 4:2:0 кодлуур	
MPEG-4 MP@ML	SD 0.3 to 5 Mbps (VBR) /HD 0.3 to 15 Mbps (VBR)/
Дүрсний харьцаа	SD 4:3 /HD16:9/

б. ДУУНЫ ҮЗҮҮЛЭЛТ

Дууны формат	MPEG-1 Layer I, MPEG-1 Layer II
Дууны кодлол	Stereo


1. Дээрх стандартуудад нийцсэн эсэхэд чанарын үнэлгээ өгөх хэмжилт нь УЛИРАЛД НЭГ УДАА хийгдэнэ. Дамжуулагч нь Нийлүүлэгчээс шалтгаалан Сувагт гарсан гологдол, саатлыг Нийлүүлэгчид мэдэгдэж, гологдол, саатлыг арилгахыг шаардана.
2. “ЗААГЛАХ ЦЭГ”-д буюу Дата төв дээр ирж буй Нийлүүлэгчийн шилэн кабелийн үзүүр болон төхөөрөмж нь тухай телевизийн Дамжуулагчид өгч буй дамжуулалтын хувьд эцсийн цэг байна.
3. Нийлүүлэгчийн Сувгийн студиас “ЗААГЛАХ ЦЭГ”-ын хувиргалтын төхөөрөмжийн оролт хүртэлх дамжуулалтын трактын /оптик төхөөрөмж/ хэвийн найдвартай ажиллагааг хангах асуудлыг Нийлүүлэгч бүрэн хариуцна.

ХОЁР. СУВАГ БОЛОН ДАМЖУУЛАГЧИЙН СҮЛЖЭЭ ХООРОНДЫН
ХАРИЛЦАН ХОЛБОЛТЫН ЗААГЛАХ ЦЭГ,
ЗУРАГЛАЛ(УЛААНБААТАР ХОТ)



(Зааглах цэг нь УБ хот ХУД 4-р хороо Дата Центр 3 давхар G-1 зогсуур)

ХОЁР. СУВАГ БОЛОН ДАМЖУУЛАГЧИЙН СҮЛЖЭЭ ХООРОНДЫН
ХАРИЛЦАН ХОЛБОЛТЫН ЗААГЛАХ ЦЭГ,
ЗУРАГЛАЛ(ОРОН НУТАГ)



(Зааглах цэг нь Орон нутаг дахь Мэдээлэл Холбооны Сүлжээ ХХК-ийн байр)

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

“.....” ХХК-ийг
төлөөлж:
ГҮЙЦЭТГЭХ ЗАХИРАЛ

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний
ХАВСРАЛТ 2

НЭГ. ХАРИЛЦАН МЭДЭЭЛЭЛ СОЛИЛЦОХ

- 1.1 Сувгийг чанарын өндөр түвшинд дамжуулахын тулд талууд хамтран ажиллаж, харилцан мэдээллээр хангагдах нөхцөлийг бүрдүүлсэн байна.
- 1.2 Сувгийн чанарыг Талууд байнга хянаж, гарсан доголдол саатал болон техник тоног төхөөрөмжийн ажиллагааны талаар дүгнэлт өгч мэдээлэл солилцож гарсан доголдол саатлын шалтгааныг үнэн зөв тодорхойлж тэмдэглэл хийсэн байна. /Хүснэгт 1/
- 1.3 Сувгийн чанарын мэдээг сар бүр нэгтгэн гаргаж харилцан тохиролцож зохих дүгнэлтийг өгч ажиллана. /Хүснэгт 2/
- 1.4 Мэдээ гаргах нэгдсэн нэг загварын маягтыг мөрдлөг болгон хөтөлнө.
- 1.5 Мэдээлэл солилцох хаяг утас болон дамжилтын трактын схемийг нэгтгэн гаргаж ажлын байранд байрлуулсан байна.
- 1.6 Талууд өөрсдийн хариуцсан тоног төхөөрөмж, дамжилтын схемийг нарийвчлан гаргаж энэ талаар харилцан мэдээлэлтэй байна.

Хүснэгт 1

Сар өдөр	Нэвтрүүлгийн нэр ба чиглэл	Гарсан саатал ба доголдол				Ажилласан инженер		Засварласан тухай тэмдэглэл
		эхэлсэн	дууссан	Нийт хугацаа	шалтгаан	Газрын станцад	ТВ-студид	

Хүснэгт 2

Хугацаа	Гарсан доголдол саатлын шинж					Гарсан хохиролын хэмжээ	Тохиролцсон тухай тэмдэглэл
	Хүний буруутай ажиллагаанаас	Техникийн саатлаас	Цаг агаарын нөхцөлөөс	Гаднын байгууллагын буруутай ажиллагаанаас	Цахилгааны саатлаас		

ХОЁР. ТАЛУУДЫН ХАРИЛЦАН ХОЛБОО БАРИХ МЭРГЭЖИЛТНҮҮДИЙН МЭДЭЭЛЭЛ

“UNIVISION” ХХК-ний зүгээс:

1.	Техникийн холбогдолтой асуудал гарсан үед:	Сүлжээ хяналтын инженер, утас: 77007740, 89118042, и-мэйл хаяг: omc@unitel.mn
2.	Санхүүгийн холбогдолтой асуудал гарсан үед:	Э. Болортуяа /Нягтлан бодогч/ Утас: 86118542, и-мэйл хаяг: bolortuya.e@unitel.mn
3.	Маркетингийн холбогдолтой асуудал гарсан үед:	Т. Лхам Төлөвлөлтийн ахлах мэргэжилтэн Утас: 89110263, и-мэйл хаяг: lham.t@unitel.mn
4.	Гэрээ болон контентын асуудал гарсан үед:	Т. Дунгаамаа Медиа хамтын ажиллагааны мэргэжилтэн Утас: 89118885 и-мэйл хаяг: dungaamaa.t@unitel.mn

Нийлүүлэгчийн зүгээс:

1.	Техникийн холбогдолтой асуудал гарсан үед:	Нэр /албан тушаал, утас:, И-мэйл хаяг:
2.	ТВ-ийн хөтөлбөртэй холбоотой өөрчлөлт гарсан үед:	Нэр /албан тушаал, утас:, И-мэйл хаяг:
3.	Санхүүгийн холбогдолтой асуудал гарсан үед:	Нэр /албан тушаал, утас:, И-мэйл хаяг:
4.	Маркетингийн холбогдолтой асуудал гарсан үед:	Нэр /албан тушаал, утас:, И-мэйл хаяг:

Тайлбар:

Гэмтэл, сааталтай холбоотой тусгай журамлал: Аль нэг талд техниктэй холбоотой ямар нэг гэмтэл, саатал, асуудал гарсан тохиолдолд шаардлагатай гэж үзвэл талуудын инженерүүд бие биетэйгээ түргэн, шуурхай холбогдож, хамтран ажиллаж, тухайн асуудлыг шийдвэрлэхийг эрхэмлэнэ. Нийлүүлэгчийн зүгээс техниктэй холбоотой ямар нэг гэмтэл, саатал, асуудал гарсны улмаас Ай Пи Ти Ви доголдож улмаар хэрэглэгч, үзэгчдийн зүгээс гомдол, санал гаргах, Ай Пи Ти Ви-ийн үйлчилгээ, нэр хүндэд сөргөөр нөлөөлөх аливаа нөхцөл байдал олон нийт, нийгмийн сэтгэл зүйд үүсэх, эсхүл ийм нөхцөл байдал хэдийн үүссэн байдаг тул Ай Пи Ти Ви-ийн зүгээс дээрх хүснэгтэд нэр дурдсан эсэхээс үл хамааран тухайн телевизийн холбогдох албан тушаалтан, шууд удирдлага зэрэгтэй холбоо барин шаардлагатай инженер, техникийн ажилтантай холбож өгөх талаар санал болгох эрхтэй. Тухайн телевизийн холбогдох албан тушаалтан, шууд удирдлага нь энэхүү санал, хүсэлтийг хүлээн авч, найрсаг, түргэн шуурхайгаар зохицуулж өгөх арга хэмжээ авах үүрэг хүлээнэ.

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН
АЖИЛЛАГААНЫ ХЭЛТСИЙН
МЕНЕЖЕР

“.....” ХХК-ийг
төлөөлж:
ГҮЙЦЭТГЭХ ЗАХИРАЛ

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний
ХАВСРАЛТ 3

**НЭГ. СУВАГТ ГАРСАН ГЭМТЭЛ
СААТЛЫГ ТООЦОХ ТУХАЙ**

- 1.1 Дамжуулагчийн Ай Пи Ти Ви-ээр дамжиж байгаа Сувгийг чанарын өндөр түвшинд дамжуулж хэрэглэгчдэд хүргэх зорилтыг хэрэгжүүлэхэд энэхүү зарчим мөрдөгдөнө.
- 1.2 Сувгийн эх үүсвэр болох телевизийн камер студийн оролтын төхөөрөмжөөс уг нэвтрүүлгийг хүлээн авч үзэж байгаа эцсийн хэрэглэгч хүртэлх орон зайг нэвтрүүлгийн бүрэн тракт гэнэ.
- 1.3 Сувгийн бүрэн трактын тасралтгүй хэвийн ажиллагааг хангаж нэвтрүүлгийг доголдол сааталгүй дамжуулах үүргийг бүрэн трактад хамрагдан ажиллаж байгаа бүх хүн адил тэгш хүлээж, хамтран ажиллана. Сувагт тавигдах үндсэн шаардлага нь Монгол улсын MNS:5592-2 стандартад заагдсан нормыг баримтална.
- 1.4 Сувгийн доголдол саатлыг дүрсний, дууны гэж ангилан гарсан тухай бүр нь дээрх чиглэлээр цаг хугацааг тооцож, хамтран ажиллагчид харилцан шалгалт хэмжилтийг хийж богино хугацаанд арилгах бүх талын арга хэмжээг шуурхай хэрэгжүүлнэ.
- 1.5 Талуудын зааглах цэгийн байршил нь УБ хот, ХУД-ийн 4-р хороо, Дата центр, 3 давхар G-1 зогсуур байх бөгөөд уг цэгээс дотогш өөрт хамаарч буй тоног төхөөрөмж, шилэн кабелийн ашиглалт, үйлчилгээний найдвартай хэвийн ажиллагааг талууд бүрэн хариуцна.
- 1.6 Гэмтэл саатал гарсан тохиолдолд Талууд өөр өөрсдийн зааглах цэгээс дотогш гарсан гэмтэл саатлыг бие даан хариуцах ба Нийлүүлэгч өөрийн талд үүссэн гэмтэл саатлыг Дамжуулагчаар засварлуулах хүсэлт гаргасан бол гарсан зардлыг хариуцан төлнө.
- 1.7 Эрчим хүчний найдвартай ажиллагааг Талууд өөрсдийн хариуцах талдаа хангана.
- 1.8 Сувгийн холболтын тоног төхөөрөмжид дур мэдэн өөрчлөлт оруулахгүй байх үүрэгтэй.
- 1.9 Нийлүүлэгч нь анх холболт хийсэн хаягаас нүүх тохиолдолд тоног төхөөрөмжийг шилжүүлэх, дахин холбохтой холбогдон гарах зардлыг дангаар хариуцна.
- 1.10 Нийлүүлэгч нь 96 хувиас дээш хувийн найдваржилттай дамжуулах үйлчилгээ авах хүсэлтэй бол нэмэлт холболтын зардлыг төлнө.
- 1.11 Талууд үйлчилгээний чанар нь стандарт түвшинд хэвийн ажиллаж байгаа эсэхэд хяналт тавих бөгөөд Нийлүүлэгчийн үйлчилгээний чанар нь стандарт түвшинд хүрэхгүй бол тухай бүр Дамжуулагч нь Нийлүүлэгчийн ажилтанд холбогдох мэдээллийг хүргэж шуурхай арга хэмжээ авч хамтран ажиллана.
- 1.12 Талууд аливаа гэмтэл саатал гарсан үед холбогдох мэдээллийг хүргэх бөгөөд үүссэн гэмтэл сааталд шуурхай арга хэмжээ авч засварлан ажиллана.
- 1.13 Үйлчилгээний системд өөрчлөлт шинэчлэлт оруулах, Техникийн зайлшгүй шалтгааны улмаас түр хугацаанд систем дээр төлөвлөгөөт ажил хийхээр бол гэрээнд заасны дагуу мэдээллийг хүргэж ажиллана.
- 1.14 Нийлүүлэгч нь 7 хоногоос дээш хугацаанд эфирээ өгөөгүй тохиолдолд дамжуулагч нь сувгийг хаах ба тухайн сувгийн дугаарлалтыг хадгалах үүрэг хүлээхгүй.

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

“.....” ХХК-ийг төлөөлж:
ГҮЙЦЭТГЭХ ЗАХИРАЛ

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний
ХАВСРАЛТ 4

ХӨТӨЛБӨР ӨГӨХ ФОРМАТ

1. Хөтөлбөрийн нэрийг монгол хэлний зөв бичгийн дүрмийн дагуу алдаагүй зөв бичсэн байх.
2. Монгол хэлний зөв бичгийн дүрэм, монгол хэлний найруулга зүй, өгүүлбэрийн бүтцийн тогтсон дэгийг мөрдөх.
3. Хөтөлбөрийн нэрний эхний үгийн эхний үсэг том үсгээр бусад үсэг жижиг үсгээр бичсэн байх.
4. Хөтөлбөрийн нэрний үг хооронд 1 мөрний зай авах.
5. Өдөр бүрийн эфирийн төгсгөлд заавал "Эфир завсарлага, Эфир хаасан" эсвэл "Эфир завсарласан" гэж хөтөлбөрийг төгсгөх.
6. Он сар өдөр (YYYY-MM-DD), цагийн формат-(hh:mm) форматын дагуу байх.
7. Гадаад нэршлийг монгол хэлэнд орчуулсан байх.
8. Товчилсон үг нэршил ашиглахгүй нэрийг бүтнээр бичсэн байх.
9. Хөтөлбөрийг Excel формат дээр бэлдсэн байх.
10. Нэвтрүүлгийн нэрээ 30 тэмдэгтэд багтаан бичих.

ЗУРАГТАЙ ХӨТӨЛБӨР ИРҮҮЛЭХ ФОРМАТ

1. Хөтөлбөр бүр зурагтай байх тул зураг бүрэн байх.
2. 7 хоног бүрийн хөтөлбөрийн хамт шинэ хөтөлбөрийн зургаа хамтатган ирүүлэх.
3. Системд хөтөлбөрийн нэрээр зураг хадгалагдах тул хөтөлбөрийн нэршлийг өөрчлөхөд шинээр зураг бэлтгэн илгээнэ.
4. Зурагны хэмжээ:1920x1080 , JPG форматтай, 1mb-с ихгүй байх.
5. Зураг форматын дагуу ирүүлээгүй болон бүрэн биш тохиолдолд системд хөтөлбөр орохгүй байх тул дээрх шаардлагуудын дагуу бүрэн ирүүлэх.

Хөтөлбөр бичих хүснэгтийн загвар:

Он сар өдөр	Цаг	Хөтөлбөрийн нэр
2021-03-10	9:00

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

“.....” ХХК-ийг төлөөлж:
ГҮЙЦЭТГЭХ ЗАХИРАЛ

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний

ХАВСРАЛТ 5

1.1 Өргөн нэвтрүүлгийн телевиз дамжуулахтай холбоотой зардал /төгрөг/

Дамжуулалтын зардал-НД (Улаанбаатар хот)				
№	Зардлын төрөл	Сар	Жил	Тайлбар
1	Шилэн кабелийн түрээс	800,000	10,560,000	Скайнэтворкс дээр 1 корийн сарын түрээс 800,000 төгрөг
2	Хяналт гүйцэтгэлийн зардал	43,130	569,311	Юнившинээс сувгийн сигналыг стандарт түвшинд хэвийн ажиллуулахад 24/7 хугацаагаар хяналт тавьж холбогдох нөхцөлөөр хангаж ажиллана.
3	Receiver spare, vendor support (Хүлээн авагчийн нөөц, нийлүүлэгчийн үйлчилгээний зардал)	29,900	394,680	Spare part (SFP module, Power supply, Jumper cable, SDI cable)
Нийт дүн				11,523,991
Хөнгөлөлт				23,991
Нийт төлөх дүн				11,500,000 ₮ (НӨАТ орсон болно.)

Жич: НӨАТ орсон болно.

1.2 Суваг дамжуулах зардлыг Дамжуулагчийн Худалдаа хөгжлийн банк 470001369 тоот /төгрөгийн/ дансанд /Гүйлгээний утга: “Боловсрол ТВ суваг дамжуулалтын гэрээний төлбөр” гэж бичиж/ гэрээ байгуулагдсанаас хойш ажлын 5 хоногийн дотор 1 дэх жилийн төлбөрийг, 2022 оны 3 сарын 01-ний өдөр 2 дахь жилийн төлбөрийг тус тус шилжүүлнэ.

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

“.....” ХХК-ийг төлөөлж:
ГҮЙЦЭТГЭХ ЗАХИРАЛ

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний
ХАВСРАЛТ 5

1.3 Өргөн нэвтрүүлгийн телевиз дамжуулахтай холбоотой зардал /төгрөг/

Дамжуулалтын зардал-НД (Орон нутаг)				
№	Зардлын төрөл	Сар	Жил	Тайлбар
1	Шилэн кабелийн ашиглалт үйлчилгээ	52,424	692,001	ТВ-ийн байрнаас холбооны газар хүртэлх шилэн кабелийн ашиглалт үйлчилгээ
2	Орон нутгаас Улаанбаатар хүртэлх дамжуулалтын зардал	700,000	9,240,000	Univision 2Mbps-ээр орон нутгийн суваг хүлээн авдаг. 2Mbps нь сарын 700,000 төгрөг байдаг.
3	Хяналт гүйцэтгэлийн зардал	43,130	569,311	Юнившинээс сувгийн сигналыг стандарт түвшинд хэвийн ажиллуулахад 24/7 хугацаагаар хяналт тавьж холбогдох нөхцөлөөр хангаж ажиллана.
Нийт дүн				10,501,312
Хөнгөлөлт				501,312
Нийт төлөх дүн				10,000,000 ₮ (НӨАТ орсон болно.)

Жич: НӨАТ орсон болно.

1.2 Суваг дамжуулах зардлыг Дамжуулагчийн Худалдаа хөгжлийн банк 470001369 тоот /төгрөгийн/ дансанд /Гүйлгээний утга: “Боловсрол ТВ суваг дамжуулалтын гэрээний төлбөр” гэж бичиж/ гэрээ байгуулагдсанаас хойш ажлын 5 хоногийн дотор 1 дэх жилийн төлбөрийг, 2022 оны 3 сарын 01-ний өдөр 2 дахь жилийн төлбөрийг тус тус шилжүүлнэ.

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

“.....” ХХК-ийг төлөөлж:
ГҮЙЦЭТГЭХ ЗАХИРАЛ

Б.УНДРАМ

.....

_____ тоот Суваг дамжуулах, үйлчилгээ үзүүлэх гэрээний
ХАВСРАЛТ 6

Тоног төхөөрөмжийн мэдээлэл

Холболтын техник, төхөөрөмжийн нэр, зориулалт	Нийлүүлэгч талд УБ	Нийлүүлэгч талд ОН	Дамжуулагч талд(ОСДҮЭ)
Хөрвүүлэх төхөөрөмж(Encoder) түүний төрөл, марк, дугаар		“Dexin” Encoder	“Envivio” encoder
Дамжуулах(Тх)/Хүлээн авах(Rx) төхөөрөмж түүний төрөл марк, сериал дугаар	Blackmagic Mini converter Optical Fiber	ONT or MDU	Blackmagic Mini converter Optical Fiber
Холбох шугамын төрөл, үзүүлэлт		Шилэн кабель	Телевизээс Дата төв хүртэл шилэн кабель 1 core шууд холболт
Холболтын интефэйс	HD-SDI embeded signal телевизээс өгч Дата төв дээр хүлээн авна.	HD-SDI embeded signal телевизээс өгч Дата Центр төв дээр хүлээн авна.	HD-SDI embeded signal телевизээс өгч Дата Центр төв дээр хүлээн авна.
Бусад			

ХАВСРАЛТ БАТАЛСАН:

“ЮНИВИШН” ХХК-ийг төлөөлж:
МЕДИА, ХАМТЫН АЖИЛЛАГААНЫ
ХЭЛТСИЙН МЕНЕЖЕР

“.....” ХХК-ийг төлөөлж:
ГҮЙЦЭТГЭХ ЗАХИРАЛ

Б.УНДРАМ

.....